

Reflexionando riba Siman di Enfermeria...

Richard Maxwell ta e "Cara di ODEA"



— Momento cu Dr. Marion Howard, ex-presidente di CNO, ta haci e transferencia di presidencia na Richard Maxwell di Aruba.



— Richard Maxwell.

ORANJESTAD (AAN): Segun Sr. Speed Andrade y miembronan di prensa a expresa recien te cara di ODEA ta señor Richard Maxwell, e presidente y alaves presidente di Caribbean Nurses Organization (CNO). Sr Maxwell tabata ausente pa motibo di quebrante di salud. Sr. Maxwell, recien a haci un operacion y e ta recuperando di esaki.

Nos ta desea Sr. Maxwell hopi forza y exito den su recuperacion pa asina pronto e ta back cu nos. Sr. Maxwell, ta fundador di nos

organizacion di enfermeronan di Aruba (ODEA). ODEA a worde funda dia 18 di januari 1989y SR. Maxwell a fungi como e promer presidente durante 1989-1991. Na juni 2008, Sr. Maxwell a bolbe worde eligi como presidente di ODEA y asina despues di 20 aña el a bolbe asumi e responsabilidad aki pa e periodo 2008-2010

Loke nos no a spera, pero tabata un sorpresa agradabel ta, cu despues di e eleccion di ODEA su directiva nobo na juni 2008, Sr. Maxwell a participa na e di 26

conferencia di The Caribbean Nurses Organization (CNO), cu a tuma lugar na Guadeloupe caminda Sr. Maxwell a ser eligi tambe pa presidente di CNO pa e periodo 2008-2010

Sr. Maxwell y su directiva ta preparando y trahando duro pa Aruba host e di 27 conferencia di CNO na Aruba durante 24- 31 di october 2010. Aruba, lo ricibi enfermeronan di 28 Isla y Paisnan den nos region di Caribe, y cu nos enfermeronan local ODEA ta haciendo esfuerzonan grandi pa sigur 500 participante. Nos ta spera respaldo, no solamente di e miembronan di nos directiva, pero tambe di tur enfermeronan, ziekenverzorgeren y Bejaardenverzorgeren pa, acerca ODEA y duna nos un man pa 'hunto' nos garantisase region di Caribe un conferencia di calibel cu nos tur por ta orguyoso di dje.

En conexion cu esaki tambe ODEA a risibi un delegacion di e directiva di Caribbean Nurses Organization caminda señor Richard Maxwell a tene su promer reunion cu e directiva di CNO na aruba durante 1-4 di februari 2009. CNO a cera conoci cu ODEA, nos Gobernantenan, imparticularmente nos Minister di Salubridad Sr. Drs. C. Wever, y su adviseur di



— Richard Maxwell, presidente di CNO, cu henter su directiva pa periodo 2008-2010 na Guadeloupe.

ODEA, Sr. Eric Nassy y tambe e delegacion di CNO a sera conoci cu nos dushi Isla Aruba y a aproba e hotel caminda e conferencia lo tuma lugar esta; Holiday Inn SunSpree Aruba Resort. ODEA lo sigui informa nos coleganan y nos pueblo.

Website: Den directiva di ODEA a para keto tambe na wak con por optimalisa e relacion cu su miembronan

den tur su aspectonan teniendo cuenta cu desaroyonan y a bin na asepta cu ta tempo pa tin un mihor forma di duna informacion. ODEA a desaroya su propio website. E website ak lo bay fungi como medio di comunicacion pa e miembronan y tur hende cu kier sa kico tur ODEA ta haci. Keda pendiente pa mas tocante di ODEA su Website.